

四庫全書

史部

# 欽定四庫全書

史部

欽定熱河志卷六十七至  
九

詳校官編修

臣曹城

檢討

臣

德生覆勘

總校官舉人

臣

章維桓

校對官編修

臣

戴心亨

謄錄監生

臣

陶嗣曾

欽定四庫全書

欽定熱河志卷六十七

山三

建昌縣

即塔子溝廳

月華山 在建昌縣東南一百八十里石竇東

西相通高一丈五尺廣倍之土人稱窟窿山山有

林泉寺存元大德中僧無際撰月華山林泉寺碑

元一統志月華山在惠州東一百九十里

按元大德林泉寺碑文稱大寧東南三舍餘有山名月華突然秀出面山之腹有巖竇號曰空洞知是山以洞稱勝由來久矣又稱山在惠州東錦川鄉知建昌縣東南境為元時惠州東境此山即志稱在州東一百九十里者是也

長壽山 在建昌縣東北六十里大城子西山有元雲峯真人康太真墓碑又距山四百步許有玉京觀舊址存元至元二十四年李察撰利州長壽



山王京觀地產碑

黃金山 在建昌縣東南三十五里袤延七十里  
山石礪砢遠望作黃金色山半有石洞西南半里  
有泉涌出冬夏不竭

巴顏濟魯克山 漢名牛心山在建昌縣東南一  
百十里喀喇沁左翼境為左翼貝子旗駐處

鄂倫和固諾克山 在建昌縣屬喀喇沁左翼東  
十二里

布祜圖山 漢名白鹿山在建昌縣屬喀喇沁左翼東三十里即古白狼山

漢書地理志白狼縣有白狼山故以名縣

三國志魏武紀北征烏丸引軍出盧龍塞東指柳城未至二百里登白狼山

魏書地形志營州建德郡石城縣有白鹿山祠

水經注石城川水東流逕石城縣故城南北屈逕白鹿山西即白狼山也

元一統志白狼山在建州南二十五里

按一統志原本以此為古白狼山引水經注謂  
白鹿山即白狼山為據考魏書地形志營州建  
德郡石城縣有白鹿山祠則白狼山之改稱白  
鹿山當始於魏時其實一山也考漢書白狼縣  
縣以山名魏武稱未至柳城二百里登白狼山  
又田疇傳稱登白狼山去柳城二百餘里水經  
注亦云未至柳城二百里登白狼山望柳城是

白狼山當在柳城之西南二百里古柳城與龍

城相近

詳見建置沿革門

今為朝陽縣治三座塔即龍

城故地布祜圖山北距三座塔約二百里而遙

正當古柳城之西南知為古白狼山也水經注

稱石城川水東逕石城縣故城南北屈逕白鹿

山即白狼山又東注白狼水是白狼山本與白

狼水相近北魏石城縣在今建昌縣南

詳見建置沿革

門白狼水即今大凌河

詳見水門

發源于喀喇沁左

翼南亦在建昌縣南境而布祜圖山即居其東  
方位均與相合元一統志謂山在建州南蓋今  
建昌縣南境本元建州地也

邁拉蘓台喀喇山 漢名柏樹山在建昌縣屬喀  
喇沁左翼東四十餘里菟濟河發源於此又左翼  
西北八十里及左翼北八十里各有邁拉蘓台喀  
喇山

香爐山 在建昌縣屬喀喇沁左翼東稍北一百

五十餘里

阿布察山 在建昌縣屬喀喇沁左翼東南五里  
塔本達巴罕 漢名五嶺在建昌縣屬喀喇沁左  
翼東南三十里有塔本泉

噶海圖波羅山 在建昌縣屬喀喇沁左翼東南  
五十六里

紗帽山 在建昌縣屬喀喇沁左翼東南七十里  
山頂一峯形如岸幘故名

伯爾克喀喇山 在建昌縣屬喀喇沁左翼東南

八十六里

青石嶺 在建昌縣屬喀喇沁左翼東南一百六十里其南接寧遠州明水塘門界

錫喇哈達圖山 在建昌縣屬喀喇沁左翼南五里大凌河河流經其麓

庫該圖達巴罕 在建昌縣屬喀喇沁左翼南三十里庫該圖河發源於此

翁噶里勒圖山 在建昌縣屬喀喇沁左翼南四

十五里

額里葉達巴罕 在建昌縣屬喀喇沁左翼南七  
十里額里葉河發源於此

托和多喀喇山 在建昌縣屬喀喇沁左翼南七  
十里蒐濟河流經其麓

瑞雲山 在建昌縣屬喀喇沁左翼南七十里山  
有五洞第一洞廣二丈五尺高一丈五尺中有佛



像石鏤玲瓏五色互映雕繪之功所不及旁行一  
竇竇底石若純漆自壁以上白如堊秉燭視之具  
種種草木禽獸形第二洞廣五尺高三尺中隱四  
竇其二為陞石所塞不得入其二皆深丈許石作  
黃金色亦具人物形第三洞無他異第四第五洞  
皆廣七尺高五尺上下相通狀如重屋洞南坡下  
有泉水極清冽東流會菟濟河泉南二里又有一  
洞内生石筍如人背立形變態種種悉出天工山

有雲谿觀舊址存元至正七年張道中撰瑞州海濱鄉周家莊雲谿觀碑

元一統志雲巖洞在瑞州西一百三十里周家莊按元雲谿觀碑稱瑞州北二百里許有山曰瑞雲山洞曰天一大洞今土人但稱為雲山洞元一統志作雲巖洞在瑞州西蓋此地元時為瑞州西北境也

鍾子山 在建昌縣屬喀喇沁左翼南九十里

塔本陀羅海山 漢名五鳳山在建昌縣屬喀喇  
沁左翼南一百里

青山嶺 在建昌縣屬喀喇沁左翼南一百餘里  
布勒圖喀喇山 漢名寬山在建昌縣屬喀喇沁  
左翼南九十餘里布勒圖河發源於此

威遜圖山 漢名樺山在建昌縣屬喀喇沁左翼  
西南四十里大凌河流經其麓

柞子嶺 在建昌縣屬喀喇沁左翼西南一百里

呼什哈圖山 漢名栗山在建昌縣屬喀喇沁左翼西南一百餘里

貴石嶺 在建昌縣屬喀喇沁左翼西南一百十里

察罕額里葉山 漢名白鷹山在建昌縣屬喀喇沁左翼西南一百四十里

托蘇圖喀喇山 在建昌縣屬喀喇沁左翼西五里和爾圖河發源於此

胡圖克圖喀喇山 在建昌縣屬喀喇沁左翼西

三十里

僧機圖山 漢名窟窿山在建昌縣屬喀喇沁左翼  
西四十里僧機圖河發源於此

占塔噶爾山 在建昌縣屬喀喇沁左翼西五十  
里

和爾圖達巴罕 亦名長嶺又名順山嶺在建昌  
縣屬喀喇沁左翼西八十五里

托津圖喀喇山 在建昌縣屬喀喇沁左翼西一百四十里

額林畢老圖達巴罕 在建昌縣屬喀喇沁左翼西一百四十里

固沁喀卜齊爾谷 在建昌縣屬喀喇沁左翼西一百四十餘里

察喇齊山 在建昌縣屬喀喇沁左翼西北三十里

鴻吉爾岱山 在建昌縣屬喀喇沁左翼西北六十里賽音台河發源於此

巴顏烏蘭山 漢名大赤山在建昌縣屬喀喇沁左翼西北七十里

巴顏察罕山 漢名大白山在建昌縣屬喀喇沁左翼西北八十里

庫克山 在建昌縣屬喀喇沁左翼西北一百四十里

達罕碩隆山

漢名駟山在建昌縣屬喀喇沁左

翼北十二里

波羅特爾格山

漢名車輪山在建昌縣屬喀喇

沁左翼北二十七里

弩山

亦名弓梢山在建昌縣屬喀喇沁左翼北

四十里

齊巴噶圖山

漢名秦山在建昌縣屬喀喇沁左

翼北七十五里



哈達圖陀羅海山 在建昌縣屬喀喇沁左翼北  
九十里

烏蘭哈達圖山 在建昌縣屬喀喇沁左翼北一  
百里

哈勒渾穆克阿瑪爾吉山 漢名溫泉北山在建  
昌縣屬喀喇沁左翼北一百餘里山南有溫泉

固爾班圖勒噶山 漢名鼎足山在建昌縣北教  
漢境為教漢郡王駐處

哈達圖陀羅海山 在建昌縣屬教漢東十五里

按此與縣南喀喇沁左翼境之哈達圖陀羅海

山別

沙爾呼塔蘓爾海額勒蘓岡 在建昌縣屬教漢

東六十里

巴爾斯陀羅海山 在建昌縣屬教漢東南五十

里

察罕齊老台山 在建昌縣屬教漢東南七十里

納卜塔遜山 在建昌縣屬敖漢東南七十餘里  
布祜圖山 漢名白鹿山在建昌縣屬敖漢東南  
九十五里

按此與喀喇沁左翼境之布祜圖山別山當古  
龍城之北境十六國春秋後燕錄慕容熙北登  
白鹿山北燕錄太平初丁零氏楊道獵於白鹿  
山為契丹所獲或即指此第其地並非荒遠史  
稱熙登白鹿山士卒為虎狼所害及凍死者五

千餘人則未免失實我

皇上御批通鑑輯覽以為已甚之辭而未揆事理洵足  
正前史之謬

哈喇納山 在建昌縣屬敖漢東南一百里

巴顏布拉克山 漢名富泉山在建昌縣屬敖漢  
東南一百十里

騰格里山 漢名天山在建昌縣屬敖漢南三十  
里又南五十里復有騰格里山亦名天山

烘郭爾鄂博山 在建昌縣屬教漢南四十五里

鄂博圖山 在建昌縣屬教漢南五十里

鄂爾吉勒喀喇山 亦名盤道山在建昌縣屬教

漢南六十里

巴噶伊瑪圖山 漢名小獐羊山在建昌縣屬教

漢南一百十里

伊克伊瑪圖山 漢名大獐羊山在建昌縣屬教

漢南一百二十里

庫克徹勒山 在建昌縣屬教漢南一百三十里

齊老台達巴罕 在建昌縣屬教漢南二百里

威布爾罕山 在建昌縣屬教漢西南九十五里

哈畢爾噶山 在建昌縣屬教漢西南一百二十

里

庫里葉圖山 亦名道場山在建昌縣屬教漢西

南一百三十里

烏蘭布庫克山 在建昌縣屬教漢西南一百三

十餘里

庫爾奇勒山 在建昌縣屬敖漢西南一百五十里

僧機陀羅海山 在建昌縣屬敖漢西七十里山有石洞

昂噶勒津山 在建昌縣屬敖漢西七十里

畢樓台山 在建昌縣屬敖漢西九十里

庫德里山 在建昌縣屬敖漢西九十餘里

庫楞布哈山

亦名紫陽山在建昌縣屬敖漢西

九十餘里

哈卜塔海山

在建昌縣屬敖漢西九十五里

按此與朝陽縣土默特左翼之哈卜塔海山別

巴顏達賴山

在建昌縣屬敖漢西一百里

阿噶爾圖山

在建昌縣屬敖漢西一百餘里

多倫達巴罕

漢名兀嶺在建昌縣屬敖漢西一

百餘里



濟魯克山 在建昌縣屬敖漢西一百五里

齊巴噶山 漢名棗山在建昌縣屬敖漢西一百

十里

按此與建昌縣南喀喇沁左翼及朝陽縣土默

特右翼境之棗山俱別

巴雅海山 在建昌縣屬敖漢西北六十里

阿爾齊蘭德勒蘓岡 在建昌縣屬敖漢北三十

五里

鄂達木波羅山 亦名寬山在建昌縣屬教漢北

四十五里

噶察喀喇山 在建昌縣屬教漢北六十里

畢齊克圖烏蘭哈達 在建昌縣屬教漢北七十  
里

碩隆陀羅海山 在建昌縣屬教漢北七十餘里

扎固圖察罕陀羅海山 在建昌縣屬教漢北八

十里

達爾達額勒蘇岡 在建昌縣屬教漢東北五十

里

阿里瑪圖谷 漢名梨谷在建昌縣屬教漢東北

七十里

庫爾奇勒哈達 在建昌縣屬教漢東北七十五

里老河之中大河夾流此山亭然孤峙

朝陽縣

即三座塔廳

固爾班蘇巴爾罕山 漢名三塔山以山有三古

塔故名在朝陽縣治西

雲蒙山 在朝陽縣東南一百七十里山周四十餘里四望陂陀逶迤相屬一峯突起數百丈常有雲氣蒙之故名山下一泉炎燠不竭

古槐山 在朝陽縣南六十里山有朝陽洞亦名槐樹洞洞高二丈廣五尺石鑄貫穿如蜂窠中有石佛像一

千佛洞 在朝陽縣南八十里距古槐山朝陽洞

二十里石磴盤迴繞山如東躡級而登山半有洞  
洞口徑二十餘丈入洞內數武徑歧而三各循石  
隙崎嶇引入繚曲往復最為幽絕其一東出徑十  
丈深三丈餘中有大小石佛像今按完好者纔七  
八十尊鏤刻精巧洞外斷碑鐫大悲陀羅尼咒為  
遼統和二十三年所造

五佛洞 在千佛洞南二十里中有石佛像

羊山 在朝陽縣南一百二十里高峰矗雲林木

蔽翳上建靈祐宮

黑山 在朝陽縣西二十里有泉出石洞中匯而為潭徑三四尺清深不涸

昂吉山 在朝陽縣西五十里周三十餘里上有卧佛寺有石佛像一高八尺餘寺中存遼應歷七年石幢記

興隆山 在朝陽縣西六十五里其東十餘里與昂吉山相接亦有朝陽洞

巴顏華山 漢名大華山在朝陽縣東北土默特右翼境其南為右翼貝子駐處巴圖察罕河發源於此又右翼東四十里及右翼北十五里各有巴顏華山

遼史地理志興中府有大華山

按朝陽縣為遼興中府地今巴顏華山即志所稱大華山也又元一統志稱華山在利州東一百六十里形勢孤聳宛若華嶽故名利州屬今

建昌縣東境建昌縣東界至朝陽縣治一百三十里山在州東一百六十里已當入今朝陽縣界在朝陽縣治東境與今巴顏華山方位亦相合

塞達木山 在朝陽縣屬土默特右翼東十三里又左翼西十餘里亦有塞達木山

塔本陀羅海山 漢名五鳳山在朝陽縣屬土默特右翼東四十里格爾庫爾台河發源於此



蓮花山 在朝陽縣屬土默特右翼東六十里

翁顏勒庫山 漢名麝香山在朝陽縣屬土默特

右翼東八十餘里翁顏勒庫河發源於此

遼史地理志興中府有麝香厓天授皇帝刻石在  
焉

按石刻今不存

蘓巴爾罕岡 漢名石塔岡在朝陽縣屬土默特  
右翼東九十里哈柳圖河發源於此

華陀羅海山 在朝陽縣屬土默特右翼東九十

餘里

鳳凰山 在朝陽縣屬土默特右翼東南二十里

羣峯連亘周九十餘里山椒一塔聳峙諸峯抱之

如翠鳳昂首張翼形故名山亦有朝陽洞洞有卧

石佛像又塔旁一里有小洞亦有佛像以銅為之

其北麓去朝陽洞二十里山勢伏而復起土人別

名曰麒麟山實一山也山半西向有三洞夜半嘗

聞木魚聲因名聞仙洞即古龍山也

十六國春秋前燕錄慕容皝以柳城之北龍山之西福地也使築龍城

水經注白狼水東北流逕龍山西又北流逕黃龍城東

元一統志和龍山在興中州東南北長六十里東西廣三十里一峯特聳號曰天柱孤峯

按前燕慕容皝於柳城之北龍山之西築龍城

前燕錄稱有黑龍白龍各一見於龍山孰親觀之祭以太牢二龍文首嬉翔解角而去孰大悅號所居新宮曰和龍宮所云龍山之西水經注及遼史所引或作龍山之南考龍城故地為今之三座塔即固爾班蘓巴爾罕城若以龍城在山之西則龍山當在三座塔城東境若龍城在山之南則龍山又當在三座塔城北境今考水經注載白狼水先東北流逕龍山西然後北流

遼黃龍城東則龍山當在龍城之東境迤南可知也又考栢山廢城有遼乾統八年耶律勿撰靈巖寺碑稱北連龍岫前俯郡城則龍山又當在栢山之北也今鳳凰山在三座塔城之東南白狼水即今大凌河正流經其西與水經注相合又在栢山之北五十里與遼碑相合元一統志亦謂和龍山在興中州東是龍山之在三座塔東信而有徵矣且古龍山既為慕容燕所建都必

其山勢雄奇足稱巨鎮今鳳凰山綿亘廣遠勝蹟頗多其為即古龍山自無可疑元一統志又稱和龍山南北長六十里東西三十里遼天授皇帝嘗獵其間獲一香廬因命其崖曰麝香崖峪曰駐龍峪泉曰神射泉所稱天柱孤峯乃元時興中八景之一至於麝香崖駐龍峪神射泉之名並見於遼史興中州下麝香崖在今土默特右翼東八十餘里駐龍峪在今土默特右翼

南三十餘里而元一統志皆繫之於龍山者蓋此山形勢廣遠凡附近之峰皆其支脉耳山在元時猶稱龍山其改稱為鳳凰山者當始於近代龍鳳之名古今互異而實即一山蓋猶白狼山之改稱白鹿山也

栢山 亦名烽臺山在朝陽縣屬土默特右翼東七十里山有十六峯盤礴四十餘里山頂有遼安德州城廢基斷井頽垣猶可辨識山半有遼靈巖

寺舊址乾統八年耶律劬碑尚存

元一統志興中州南三十里綿亘栢山

按栢山中靈巖寺碑有里人施峰臺山四面隙  
地之語知遼時本名峰臺山元志稱興中州南  
綿亘栢山又三座塔城內有元安思道通法寺  
上下院地產碑稱北至栢山是栢山之名自元  
始著也

喀刺奇靈圖山 在朝陽縣屬土默特右翼東南



八十里

臺圖山

在朝陽縣屬土默特右翼南五里

蘓巴爾噶圖山

亦名平山又名神應山在朝陽

縣屬土默特右翼南三十里衮齊老河發源於此

努祿拉呼山

亦名駐龍峪在朝陽縣屬土默特

右翼南三十餘里

遼史地理志興中府有駐龍峪

哈扎噶爾山

在朝陽縣屬土默特右翼南六十

里

阿爾扎噶爾山 在朝陽縣屬土默特右翼南七

十里

烏蘭哈達 在朝陽縣屬土默特右翼南九十里

托魯克台山 在朝陽縣屬土默特右翼西南一

百二十里

庫里葉圖山 亦名道場山在朝陽縣屬土默特

右翼西南一百五十里山半有二洞內有石佛像

按此與建昌縣屬敖漢境之庫里葉圖山別

卓昌吉爾山 在朝陽縣屬土默特右翼西南二  
百餘里斜柔三十餘里山形中斷山南有穆壘河  
流貫其中夾山麓有泉注之下流為小凌河

威遜圖喀喇山 在朝陽縣屬土默特右翼西南  
二百里又右翼西北一百九十里亦有威遜圖喀  
喇山布爾噶蘓台河發源於此

明安喀喇山 在朝陽縣屬土默特右翼西南二

百二十里山色深黝千峰競秀故名頂有石洞洞旁三泉交流為小凌河之源

巴顏濟魯克山 漢名牛心山在朝陽縣屬土默特右翼西南二百五十里

按此與建昌縣屬喀喇沁左翼之巴顏濟魯克山別

盤嶺 在朝陽縣屬土默特右翼西南二百八十里

郭傳圖察罕和碩山 在朝陽縣屬土默特右翼  
西南二百九十里

喀喇脫歡山 漢名釜山在朝陽縣屬土默特右  
翼西六十里有喀喇脫歡泉山有重修金山神廟  
碑

按碑稱金山神廟及文內金山之上字蹟分明  
知舊又名金山金釜互異則字之譌耳

波羅和碩山 漢名青山在朝陽縣屬土默特右

翼西九十五里

卓沁喀喇山 亦名鳳凰山在朝陽縣屬土默特  
右翼西一百里山頂有洞西北有古塔一

按古龍山在龍城之東為今土默特右翼東南  
之鳳凰山詳見前條若一統志原本於外藩統  
部載龍山在土默特右翼西一百里又於土默  
特部載鳳凰山在右翼西一百里道里相符知  
即以此鳳凰山為古龍山與十六國春秋水經

注及遼靈巖寺碑元一統志諸書所載方位不合未足為據

博爾奇烏蘭哈達 在朝陽縣屬土默特右翼西一百里上有石洞

齊巴噶圖喀喇山 漢名秦山在朝陽縣屬土默特右翼西一百二十里

按此與建昌縣屬喀喇沁左翼之秦山別

察卜齊克散噶察山 亦名妬山在朝陽縣屬土

默特右翼西一百五十里

哈卜塔海華山 在朝陽縣屬土默特右翼西一百六十里察罕河發源於此

蘓巴爾噶圖和碩山 漢名石塔峰山在朝陽縣屬土默特右翼西一百八十里上有三塔

騰格里蒙克山 漢名天保山在朝陽縣屬土默特右翼西二百里

哈達圖喀刺和碩山 在朝陽縣屬土默特右翼



西二百餘里

瑪尼圖山 亦名鐵幡杆山在朝陽縣屬土默特  
右翼西北七十里

溫都爾華山 漢名香高山在朝陽縣屬土默特  
右翼西北七十里

遼史地理志興中府有香高山

布魯爾喀刺山 在朝陽縣屬土默特右翼西北  
一百二十里

青鸞嶺 在朝陽縣屬土默特右翼西北一百八  
十里嶺北有古塔一嶺上巨石縱橫向稱險峻元  
時曾加開鑿有元統三年興中州平治道塗碑尚  
存側一名青山嶺

曾公亮武經總要大定府東至營州界青山嶺一  
百七十里亦作青巒嶺

元一統志青巒嶺在興中州西八十里有金巖寺  
按青鸞即青巒字傳寫之異實一山也

呼什谷圖喀喇山 漢名栗山在朝陽縣屬土默特右翼西北一百八十餘里上有四塔

按此與建昌縣屬喀喇沁左翼之栗山別

多倫和爾和山 漢名七寶山在朝陽縣屬土默特右翼北六十里什巴爾台河發源於此

輝果爾山 在朝陽縣屬土默特右翼北一百里卓索河發源於此

喀爾克沁山 亦名錦屏山在朝陽縣屬土默特

右翼北一百餘里

綽諾圖山

漢名狼山在朝陽縣屬土默特右翼

北一百十里山有古塔半圯山麓有金三學寺舊址大定五年韓長嗣撰三學寺碑尚存

按金三學寺碑文稱北登狼山知山在興中府北境與今方位相合

烏蘭山

漢名赤山在朝陽縣屬土默特右翼東

北六十里

錫喇得卜色克山 亦名馬鞍山在朝陽縣屬土  
默特右翼東北九十里

郭斯和爾巴山 在朝陽縣屬土默特右翼東北  
九十餘里

波羅輝波羅溫都爾山 在朝陽縣屬土默特右  
翼東北一百二十里

烏里雅蘓台山 漢名楊山在朝陽縣屬土默特  
右翼東北一百三十里

哈特哈山

亦名旱龍潭山在朝陽縣屬東北二

百八十里土默特左翼境為左翼貝勒駐處

烏納格圖山

漢名野狐山在朝陽縣屬土默特

左翼東南三十里

蘓巴爾噶圖山

漢名石塔山在朝陽縣屬土默

特左翼東南六十里山頂有石塔一山半有石洞

按此與土默特右翼境之蘓巴爾噶圖山別

和爾博勒津山

漢名七金山在朝陽縣屬土默

特左翼東南七十里

烏拉布爾圖山 在朝陽縣屬土默特左翼東南  
八十里

庫特古爾多和碩山 在朝陽縣屬土默特左翼  
南十里

伊瑪圖山 漢名殺羊山在朝陽縣屬土默特左  
翼西南三十里又左翼西北八十里復有伊瑪圖  
山亦名殺羊山

固爾班溫都爾山 在朝陽縣屬土默特左翼西

南四十里

波羅孟固山 漢名青金山在朝陽縣屬土默特

左翼西七十里

庫該波羅山 漢名青蛇山在朝陽縣屬土默特

左翼西北四十八里錫喇塔拉河發源於此

超圖喀喇山 漢名黑山在朝陽縣屬土默特左

翼西北五十里



邁達里山

漢名彌勒山在朝陽縣屬土默特左

翼西北六十里伊瑪圖河發源於此

齊老圖山

漢名石峰山在朝陽縣屬土默特左

翼西北八十里

喀喇陀羅海山

漢名黑頂山在朝陽縣屬土默

特左翼西北一百里鷄鷹河發源於此

托津圖山

在朝陽縣屬土默特左翼北五里

布爾罕達巴罕

亦名盤道嶺在朝陽縣屬土默

特左翼北八里

伊克翁山 在朝陽縣屬土默特左翼北三十五

里山麓有古塔一

巴噶翁山 在朝陽縣屬土默特左翼北四十里

台吉圖山 在朝陽縣屬土默特左翼北四十餘

里山西有古塔一

阿罕里陀羅海山 在朝陽縣屬土默特左翼北

七十里

哈卜塔海山 亦名馬孟山在朝陽縣屬土默特

左翼北七十五里

固爾班喇呼山 在朝陽縣屬奈曼東南五十里

巴顏喀喇山 漢名大黑山在朝陽縣屬奈曼東

南八十里

烏蘭哈達 在朝陽縣屬奈曼東南一百里

按此與土默特右翼及建昌縣屬喀喇沁左翼

境之烏蘭哈達別

博羅輝博羅溫都爾山 在朝陽縣屬奈曼東南

一百四十里

按此與土默特右翼境之博羅輝博羅溫都爾

山別

塔本陀羅海山 漢名五鳳山在朝陽縣屬奈曼  
南五十里圖爾根河發源於此

按此與土默特右翼境及建昌縣屬喀喇沁左  
翼境之塔本陀羅海山別

瑪尼喀喇山

在朝陽縣屬奈曼南一百二十里

布祜圖山

漢名鹿兒山在朝陽縣屬奈曼西南

八十里

按此與敖漢境及建昌縣屬喀喇沁左翼境之

布祜圖山別

沙爾呼塔蘓爾海岡

在朝陽縣屬奈曼西五十

五里

哈納察罕岡

在朝陽縣屬奈曼北一百里

哈納岡 在朝陽縣屬奈曼東北八十五里

欽定熱河志卷六十七

欽定四庫全書

欽定熱河志卷六十八

山四

各屬有名無考諸山

按承德府屬境內名山有載在史傳今古殊稱者即往証今雖形勢方位粗有可指而稱名不符未宜牽率亦不便刪略彙編如左以俟審証云

鮮卑山 後漢書鮮卑傳鮮卑者東胡之支別依  
鮮卑山杜佑通典柳城有鮮卑山在縣東南二百  
里棘城之東塞外亦有鮮卑山在遼西之北一百  
里未詳孰是

按通典于鮮卑山二說並存在杜佑時已莫定  
所在太平寰宇記諸書皆兩仍其說一統志原  
本據後漢書鮮卑以季春月大會於饒樂水上  
謂遼之中京大定府在饒樂水南則古鮮卑山



當相去不遠饒樂水為今英金河流經赤峰建  
昌朝陽三縣地則鮮卑山方位究難據以審定  
赤山 後漢書烏桓傳漁陽赤山烏桓數寇上谷  
按唐張九齡有賀赤山北無賊狀漁陽與今承  
德府灤平豐寧縣相直是赤山當在今承德府  
本境及灤平豐寧二縣境內而諸處俱無之達  
昌縣境有赤山及大赤山但其方位不合難以  
傳會

牛尾谷 十六國春秋前燕錄段蘭攻柳城慕容  
汗及封奕等救之與蘭遇於牛尾谷

按柳城屬今建昌縣牛尾谷當在建昌縣南境  
馬兜山 十六國春秋前燕錄慕容皝以段遼將  
復至於柳城左右設伏以待之遣封奕率騎數千  
伏於馬兜山

按漢書地理志稱馬首山在柳城西南段氏之  
伐柳城必從西南而至疑馬首山即馬兜山蓋

馬首與頭同義頭與兜又音近耳太平寰宇記  
謂柳城縣有馬首山渡遼之要路據此當在今  
建昌縣南境

黃榆谷 十六國春秋後燕錄慕容寶宿廣都黃  
榆谷清河王會夜詣寶行十餘里復走赴其軍勒  
兵攻寶寶帥騎馳二百里晡時至龍城

按龍城為今朝陽縣治黃榆谷當在今朝陽縣  
治南二百餘里

索莫汗陁 十六國春秋後燕錄慕容寶自石城還龍城至索莫汗陁去龍城四十里

按索莫汗陁當在朝陽縣治南四十里

板陁 十六國春秋後燕錄李旱棄軍奔走至板陁復還

按此當在今建昌縣境

突門嶺 魏書太宗紀魏主東巡至于濡源及甘松遣精騎襲馮跋於和龍魏主屯突門嶺待之

按方輿紀要謂哭門嶺在大寧西南當在今平  
泉州南境

鷄鳴山

魏書地形志昌黎郡廣興縣有鷄鳴山

按魏昌黎郡廣興縣地屬今朝陽縣山當在朝  
陽縣東南境

鹿頭山

魏書地形志昌黎郡定荒縣有鹿頭山

按水經注謂白鹿山即白狼山元和郡縣志又  
謂白狼山一名鹿首山是鹿首山白鹿山皆即

白狼山之互相稱此鹿頭山與鹿首同義或疑  
即古白狼山但魏書別載白鹿山祠於石城縣  
而鹿頭山在定荒縣當非一山以定荒縣方位  
求之當在今朝陽縣西境

善玉山 魏書勿吉傳自和龍北二百餘里有善  
玉山

按和龍即今朝陽縣治其北二百餘里當在今  
奈曼旗境

九莊山 水經注鮑邱水出禦夷北塞中南流逕九莊嶺東

孟廣峒 水經注孟廣峒水出峒下峒甚增峻戕戕冠衆山之表

孔山 水經注道人谿水南流逕孔山西又孟廣峒水西逕孔山南上有洞穴間明

按水經注稱九莊嶺孟廣峒及孔山皆與鮑邱

水

即今潮河

相近方輿紀要謂九莊嶺在密雲縣北

三十里又以縣東北一百八十里古北口外之霧靈山為古孟廣嗣然水經注之九莊嶺在鮑邱水初發源之時尚不在邊內至於霧靈山本即水經注之伏凌山以音近而訛水經注於鮑邱水所含之三城水下已詳列之亦不應又指為孟廣嗣是方輿紀要之說未可為據今以水經注所列形勢審之鮑邱水發源塞上即逕九莊嶺東似即指今豐寧縣屬上黃旗汛西南諸



山而言其所謂孟廣州者疑即今大閤兒東南之龍泉山所謂孔山者疑即今大閤兒東南之白雲洞蓋潮河本流經龍泉山及白雲洞之東境而龍溝水亦由此會入潮河即以之當左入鮑邱之道入谿水其方位亦相似特古今異名故附識於此

丁原山 水經注五渡水北出安樂縣丁原山

按北魏安州無安樂縣疑即永樂縣之訛

詳見建置

沿革

山當在今承德府南境滦平縣東南境

石城山 水經注石城川水出西南石城山

按北魏石城縣屬今建昌縣山當在今建昌縣

南境

黃麋谷 唐書武后紀登封元年張元遇曹仁師

麻仁節等及契丹戰於黃麋谷

按此山契丹傳亦載之於今方位無攷

都山 唐書元宗紀開元二十一年幽州副總管

郭英傑及契丹戰於都山元一統志都山在惠州東南二百里其上林木暢茂

按元惠州地屬今平泉州山當在平泉州東南境方輿紀要又謂都山在臨潢南境則當在今赤峰縣北境存以備考

捺祿山 唐書元宗紀開元二十五年張守珪及契丹戰於捺祿山敗之

按方輿紀要謂捺祿山在朶顏衛境今方位無

考

天門嶺 唐書安祿山傳討契丹至吐護真河晝  
夜行三百里次天門嶺

按唐書契丹傳載此事曰大戰潢水南古吐護  
真河即今老河是天門嶺當在老河之北潢河  
之南赤峰縣境內

松陁嶺 唐書地理志營州西北百里松陁嶺其  
西奚東契丹曾公亮武經總要興中府西北至松

陁嶺百里

按唐營州在建昌朝陽二縣境內其奚與契丹分界當在建昌縣興中府為今朝陽縣嶺當在今建昌朝陽二縣間也

冷陁山 唐書奚傳盛夏必徙保冷陁山契丹傳阻冷陁以自固

按唐時冷陁為奚契丹兩部接壤處後燕慕容熙襲契丹至陁北即冷陁之北唐顯慶中以阿

史德樞賓為冷陁道行軍總管討叛奚又延和  
初幽州都督孫佺等及奚戰於冷陁山皆指此  
當在今平泉州建昌縣之北境方輿紀要謂在  
潢水之南黃龍之北奚契丹依阻此山以自固  
者是也唐書又謂冷陁山直媯州西北考唐初  
契丹之地本在潢水左右距媯州絕遠即奚王  
牙帳亦附近土河與營州相接而不在媯州至  
遼初始以別部徙媯州為西奚唐書所稱冷陁

直隸州西北者蓋兩冷陁也

摘星嶺 唐書契丹傳契丹入寇幽薊劉仁恭窮  
師踰摘星嶺討之歲燎塞下草使不得留牧馬多  
死五代史契丹傳劉守光歲使人踰摘星嶺燒荒  
契丹馬無所食

按明史一統志謂摘星嶺在順天府西三百餘  
里若在內地又隔西奚一部何由得困契丹蓋  
未足為據方輿紀要謂在大寧南境

雙山 遼史地理志中京大定府有雙山

按遼中京在今平泉州則雙山應在平泉州地

九宮嶺 遼史地理志澤州有九宮嶺

九宮嶺在惠州南一百五十里

按元之惠州即遼之澤州為今平泉州地則九

宮嶺當在平泉州南境唐書地理志漁陽郡下

注自古盧龍北經九荊嶺盧龍塞在今潘家口

外九荊嶺在盧龍塞北當即遼史之九宮嶺也



石子嶺 遼史地理志澤州有石子嶺元一統志  
石子嶺在惠州北八十里

按此當在今平泉州境又考王曾行程錄曰過  
石子嶺自此漸出山七十里至富谷館八十里  
至通天館二十里至中京與北方位相合又唐  
書地理志曰經九荆嶺受米城張洪隘度石嶺  
至奚王牙帳唐之奚王牙帳即遼之中京度石  
嶺與奚王牙帳相近當即遼史之石子嶺唐書

作石嶺也

平頂山 遼史地理志高州有平頂山

平頂山在高州北五里

按遼元時之高州在今赤峰縣今豐寧縣屬之  
正藍旗鑲黃旗皆有平頂山方位偏西乃遼北  
安州界非高州境也

黃栢嶺 遼史地理志武安州有黃栢嶺

按遼時武安州地屬今朝陽縣嶺當在朝陽縣

西境

雕窠嶺 遼史地理志宋王曾上契丹事曰思鄉嶺八十里至新館過雕窠嶺偏槍嶺

按思鄉嶺今十八盤嶺偏槍嶺今偏嶺皆在灤平縣雕窠嶺在思鄉嶺之北偏槍嶺之南亦當屬灤平縣境

芥菜嶺 遼史地理志宋王曾上契丹事曰過墨斗嶺度雲嶺芥菜嶺

按墨斗嶺為今廣仁嶺芥嶺當在廣仁嶺北  
王曾行程錄墨斗嶺亦名度雲嶺應是一山故  
不復列

牛山 曾公亮武經總要北安州有牛山亦作牛  
嶺

按今承德府本境灤平縣豐寧縣皆北安州地  
明成宗寔錄永樂元年命新昌伯唐雲引軍自  
小興州大興州東接牛嶺會州塔山龍山諸處

屯種北勿出會州西勿過千戶塞則牛嶺當在興州之東會州之南為今平泉州南境

鹿兒峽 遼史地理志宋王曾上契丹事曰牛山館八十里至鹿兒峽館

按此牛山館當即武經總要所載北安州之牛山鹿兒峽在牛山北八十里亦當在平泉州境又考方輿紀要謂鹿兒峽在遵化州北塞外明初常遇春追元兵出遵化度鹿兒嶺至會州即

此會州故城在今平泉州南二十里則此嶺當更在會州之南方輿紀要又謂此嶺一名鹿路嶺或謬為路兒嶺元史順帝紀至正二十四年博羅特穆爾舊作字羅帖本兒今改正遣兵向闕太子率侍衛兵東走古北口趙興松至路兒嶺詔追及之還宮即此地也

蝦蟆嶺 遼史地理志宋王曾上契丹事曰至鹿兒峽館過蝦蟆嶺

按此則嶺在鹿兒峽館之北亦當在今平泉州境

會仙石 曾公亮武經總要北安州有會仙石

按此當在灤平縣豐寧縣境

器仗山 曾公亮武經總要建州東南至器仗山三十里

按遼建州為今朝陽縣地山當在今朝陽縣東南境

唱叫山 契丹國志中京東過小河唱叫山道北  
奚王避暑莊有亭臺元一統志唱叫山在大寧縣  
東北三十里

按明一統志烏梁海下亦載此名當在今平泉  
州境與大寧故城相近

奚王嶺 青嶺 瓢嶺 金史完顏宗翰傳宗翰  
至奚王嶺與都統杲會杲軍出青嶺宗翰軍出瓢  
嶺



按宗翰與果約于奚王嶺會議在既取北安州  
之後奚王嶺當在豐寧縣西境青嶺瓢嶺亦應  
相近

呼碧峪 元史食貨志有龍山呼碧峪

按呼碧峪與龍山相近當在今朝陽縣境

盤龍山 元一統志盤龍山在大寧縣東南十里

摩雲山 元一統志摩雲山在大寧縣西南三十

里相傳常有雲氣覆其巔故名

香臺峰 元一統志香臺峰在大寧縣西一百里  
遼建昊天寺金泰和六年杜元撰碑文云萬壑千  
崖羣峰爭出咸不相讓惟香臺峰玉立特秀迥出  
霄漢之外故以香臺名

有福山 元一統志有福山在大寧縣西北三十  
里以其在福德之地故名

按元時大寧路大定縣為今平泉州治東北境  
後改名大寧也盤龍摩雲香臺有福四山均應

在今平泉州境

溜石山 元一統志溜石山在金源縣西南四十

里山有二峰其形似駝

按元史載穆瑚黎

舊作木華黎今改正

進兵臨興中先遣

烏業爾

舊作吾也而今改正

攻溜石山蓋即此山也當在

今平泉州東境

乾山 元一統志乾山在惠州西南二百五十里

遼金採伐林木運入京畿修葺宮殿及梵宇琳宮

元置提舉司

按此當在今平泉州最南境

聖水山 元一統志聖水山在高州東南三十里  
上有一泉

福德山 元一統志福德山在高州西北三里以  
其山居福德位故名舊名五福山遼人謂之榆山  
金大定間兵亂此山見神兵解危遂名福德山有  
石洞號為集賢洞有石環二丈曾有仙遊謂之會

仙石

按元高州地屬今赤峰縣聖水山福德山俱當在赤峰縣境

望京山 元一統志望京山在松州東八十里上有古寺石佛像又有石洞寶塔

香臺山 元一統志香臺山在松州南八十里石洞寺周圍松樹茂林

按松州屬今赤峰縣望京山香臺山俱當在赤

峯縣西南境

五峰山 元一統志五峰山在松州西南九十里  
有古寺石井周圍松林

按此亦當在今赤峰縣境又考今豐寧縣屬鑲  
白旗之東北有五峰山為元興州松州交界處  
或即為松州之五峰山未可定也

梓木山 元一統志梓木山在和衆縣東南二十  
里以山多梓木故名

按元和衆縣地屬今建昌縣山當在建昌縣南境

熊山 元一統志熊山在龍山縣南六十里俗傳遼主臨山畋獵獲一白熊因號熊山上有熊山寺石柱山 元一統志石柱山在龍山縣南八十里山中有方圓石柱遼時有僧建寺於此後寺廢柱礎猶存

按元龍山縣地屬今建昌縣熊山石柱山俱當

在建昌縣南境

富山 元一統志富山在龍山縣南一百三十里  
一水通流內有寺曰龍泉

按此亦當在今建昌縣境今平泉州境有富山  
與此方位不合建昌縣境內諸山名為巴顏者  
頗多亦莫定所在

龍山 元一統志龍山在龍山縣北八里山如卧  
龍俗傳曾有龍見故名



按此與前燕慕容皝所築龍城東之龍山別龍城東之龍山在今朝陽縣境此當在建昌縣境鞍山元一統志鞍山在龍山縣北十三里勢若馬鞍故名

按此亦當在今建昌縣南境

雲寶山 元一統志雲寶山在利州東四十里山有穴竇天欲陰雨必有雲氣覆其巔故名

按元利州地屬今建昌縣山當在建昌縣南境

金山 元一統志金山在利州東南一百二十里  
山有金洞因以為名絕頂有古寺曰雲峰

鳳凰山 元一統志鳳凰山在利州南十三里相  
傳鳳凰嘗止其上故名

按金山鳳凰山俱當在今建昌縣南境今朝陽  
縣之鳳凰山即古龍山乃元興中州地與利州  
方位不合

競秀山 元一統志競秀山在興中州南三十里

金山 元一統志金山在興中州北三十里

按元興中州地屬今朝陽縣競秀山金山俱當在朝陽縣境

獨山 元一統志獨山在川州南一百四十里其山屹然一峰故名

白雲山 元一統志白雲山在川州北十五里時有白雲覆其上故名

按元川州地屬今朝陽縣獨山白雲山俱當在

朝陽縣境

荆山 元一統志荆山在建州東北十里其山多  
荆故名

按建州地屬今朝陽縣山當在朝陽縣南境

丁山 元一統志丁山在惠和縣南五十里一峰  
如丁改名

按元惠和縣地屬今建昌縣山當在建昌縣北  
境

大王山 元一統志大王山在武平縣東八里其  
山高聳列岫崢嶸

香爐山 元一統志香爐山在武平縣南三十里  
其山孤高形若香爐故名山中有水一泓澄澈可  
愛名曰聖水池

按元武平縣地屬今朝陽縣大王山香爐山俱  
當在朝陽縣境

瑤帽山 明史李文忠傳洪武七年帥師攻大寧

高州克之追奔至鹽帽山

按高州地屬今赤峰縣山應在赤峰縣境

欽定熱河志卷六十八

欽定四庫全書

欽定熱河志卷六十九

水一

塞垣以外萬山合沓而襟帶縈絡當以水道証之  
承德府屬全境諸水按以水經注名少相合土俗  
所稱原無準字地居邊徼載籍傳訛故難印証也  
自

聖朝叛建

仙莊川涯河渚半為

輦道所經我

皇上駐蹕之暇

指示源流若武列水濡水之源

鉅製親裁徵信萬古編摩之臣以今証昔得有稟承其  
水遝各州縣境難於按屬分隸則提某大水為綱  
而以所會某某諸小水附入俾源流分合一覽瞭  
然其經流出各州縣境者則分注云舊某廳境其



經流不出各州縣本境者則云源出某山某境入某州縣境以清界址其有古今異名無從徵驗者則引據舊本書以闕疑附之篇末以備考稽至木蘭境內之水並依諸山之例彙載圍場卷中志水第十

熱河 有三源一出圍場東南界察罕陀羅海之西固都古爾卡倫之南在熱河

行宮東北二百餘里為西源合平頂山南諸小水南

流逕豐寧縣

即四旗廳

屬察哈爾正南旗境屈曲南流

逕固都爾呼達巴罕名固都爾呼河又西南流至

中關

行宮之東一出平泉州

即八溝廳

屬喀喇沁右翼西境默

沁達巴罕西之玳瑁溝在喀喇沁右翼西一百餘

里當平泉州治西北境為中原初名默沁河西南

流逕承德府

即熱河廳

東北之茅溝汛境名茅溝河至

至中關之東與固都爾呼河合而南流一出喀喇

沁右翼西南境霍爾霍克達巴罕西之三道溝在喀喇沁右翼西南一百二十餘里亦當平泉州治西北境為東源名賽音河西南流入承德府東北境有溫泉注之又西與固都爾呼河會三源合而西南流逕黃土坎

行宮及釣魚臺

行宮之東又西南流環

避暑山莊之東

行宮內又有溫泉流出注之始名熱河南流折而東復折而南至下營子入灤河即古武列水

水經注武列水三川派合西源右為谿水亦曰西藏水東南流出谿與蟠泉水合西藏水又西南流東藏水注之水出東谿一曰東藏水西南流出谷與中藏水合水導中谿南流出谷南注東藏水故目其川曰三藏川水曰三藏水東藏水又南右入西藏水亂流右會龍泉水又東南流與龍芻水合

又東南流逕列谿謂之武列水東南厯石挺下其  
水東合流入濡

按今熱河即武列水固都爾呼河茅溝河賽音  
河即古三藏水至溫泉會流之後始名熱河臣  
等恭讀

御製熱河考於熱河濡水之分源辨証精詳並審晰鄙  
注三川先後合流之舛誤源流洞悉曠若發蒙  
知道元當日未得躬親目覩故言之不精不詳

無足徵信也茲仰承

聖訓垂示永久爰約舉鄙注原文以為緣起云

御製文

熱河考

戊子

考水源而不親履其地晰其支派脈絡分合之由雖博綜載籍稽諸故老之流傳不能參互而訂其踏曩或以熱河為濡水之源余固心疑之而未暇深考夫濡水即灤河自多倫諾爾之北而來其源甚遠又折而東南數

百里乃歷喀喇河屯又東南流數十里至鳳凰嶺熱河  
乃南注會之不應其源反出於此蓋濡自有源而熱河  
又別有源是不容紊今秋駐山莊遣喀喇沁郡王拉特  
納錫第內大臣努三往尋熱河之源則得之于察罕陀

羅海

蒙古語察罕謂白陀羅海謂首蓋以山阜得名

其地距熱河二百里而羸

流經固都爾呼達巴罕麓

蒙古語固都爾呼者伏行達巴罕者嶺也

遂名固

都爾呼河西南至於中關東茅溝河水自玳瑁溝出西

南流注之又合而南流賽音郭勒河水

蒙古謂好為賽音河為郭勒

自霍爾霍克

蒙古語謂熟食

達巴罕之三道溝出南流折而西

南與湯泉

泉出山莊東北湯山

合又西注之三源既匯又西南流

沿山莊東北歷鍾峯下山莊行宮內亦有溫泉流出匯之於是始有熱河之名南流折而東復折而南入於灤是則熱河乃會濡水而非濡源審矣酈道元水經注云濡水又東南流武列水入焉其水三川派合西源曰西藏水西南流東藏水注之東藏水出東谿西南流與中藏水合又南右入西藏水故目其川曰三藏川又東南



流逕列谿謂之武列水東南厯石挺下層巒之上孤石  
雲舉高可百餘仞其水合流入濡按道元所言石挺即  
今鍾峯其曰三藏即今固都爾呼茅溝賽音郭勒三源  
則熱河之為武列水無疑第古今異稱今人但知熱河  
而不知武列耳然所云三川合流之序則不足据今考  
固都爾呼為西源茅溝為中源賽音郭勒為東源西源  
自北而來先合中源又南始與東源合道元所謂西藏  
水又豈能越中藏而先與東藏合哉此其叙述錯綜已

足滋惑而以中藏為先合東藏則又其顯然大謬者也  
又如以濡水為經白檀比夫白檀乃今密雲實非濡水  
所經則誤以漢書地理志之洹水

亦名鮑邱水  
即今潮河

為濡又

從而傳會之矣蓋徒尚耳食而未親履其地晰其支派  
脈絡分合之由毋怪乎其舛也或以為熱河既會濡而  
東入於海則謂之濡源亦無不可何須置辨是大不然  
夫江淮河濟何一不入於海而皆謂之海可乎昔禹貢  
載導河自積石或以為亦若江之岷山淮之桐柏矣及

今平定回部乃知河源自葱嶺以東之和闐葉爾羌諸

水瀦為蒲昌海

即鹽澤蒙古語謂之羅布諾爾

伏流地中復出為星宿

蒙古語謂之鄂敦諾爾即元史誤譯為火敦腦兒者其水在枯爾坤之東昔皇祖遣使窮河源得之於此

御製文以記其時回部未入版圖故止及星宿海也

至積石始名黃河則大禹

所記亦第就目所經見者而言道元又安能以所未經

見者而一一詳訂其曲折也耶苟非命使親履其地烏

知此之為是而彼之為非乎近勅儒臣輯熱河志故考

其源俾知所從事若夫濡水之源則更俟他日詳考之

默沁溫泉

源出平泉州

即八溝廳

屬喀喇沁右翼西

一百十五里有二泉一自默沁河東境西流一自

默沁河西境東南流俱會默沁河下流為茅溝河

綽諾河

源出平泉州

即八溝廳

屬喀喇沁右翼西南

一百二十里西流會賽音河

溫泉

源出熱河

行宮東北八十里之湯山

見山門

泉水湧自山半溫暖

適宜康熙年間每

駕幸山莊多臨御焉有

聖祖御製湯山龍尊王佛廟碑記

恭載寺廟門

其水東南流會

### 賽音河

按熱河附近多溫泉而湯山所出為最著遼史

皇子表載普賢努拜南京留守至北安州浴溫

泉今熱河為遼北安州地所稱溫泉或即指此

石洞溝泉

源出中關西北三十里豐寧縣

即四旗廳

境內石洞溝東合黑水溫泉東南流會固都爾呼

河

山莊內溫泉 源出熱河

行宮內自德匯門之東流出東南流會固都爾呼河  
為熱河

按水經注載蟠泉水東流九十里注西藏水

武在

列水三源 又有龍泉水出東山下西南流注三

未合之前

藏水又有龍芻水出龍芻谿東流入三藏水

皆在

武列水三源 皆在今熱河所會諸小水之中因古  
既合之後

今異稱附識于此

新河 在熱河

行宮之南境長六百九十餘丈廣七丈乾隆三十六年所開以洩西南諸山夏秋漲水由南山下東歸熱河

御製文

開新河記 辛卯

熱河之水有二其自東北來者為固都爾呼河三源匯

而為一即水經注所謂武列水也繞山莊東北鍾峯下  
中關東溫泉為一源又山莊行宮內  
亦有溫泉流出匯之遂有熱河之名東南流入於灤其  
水雖大然尚有隄以障之時復培鞏故得循軌而有所  
歸宿即盛漲不為患其自西來者為廣仁嶺及獅子嶺  
諸山之水水本無源常時無涓涔跡雨後則循山東赴  
至西紅橋轉而北又由東紅橋轉而南始緣南山溝流  
入熱河而溝道紆狹久復淤墊故宣導不能速向以其  
無大患亦遂易而忽之己卯夏大雨驟霪西南諸山水



一時並集平地漲丈餘經西紅橋趨突北山下石激波  
轉勢益洶悍自北而南衝擊東紅橋奔湍盪越市廛廬  
舍當之者多隨波而圯事聞發內帑賑恤且量漂屋楹  
數給貲繕復之及庚寅災仍如之其賑恤繕復亦如之  
夫十年之間兩遭其害警於己事曷可不籌度以善其  
後顧無源之水不能以有形治惟順其勢而疏之使下  
流暢達則其上自不復壅潰為害防弭之道無過於此  
蓋是水之致患徒以兩紅橋溝狹而不能容耳若舍此

狹溝使緣南山下新濬河寬而能容東赴熱河宜免搏擊之勢廼命內大臣三和御前大臣努三等偕直隸提督王進泰熱河道明山保由南山下寬開河道西自同知衙前東至旗營長六百九十餘丈濶皆七丈深隨地形高下自三尺八寸至一丈二尺有差其河身經流有直民居者令移構岸旁高地仍計屋授之值俾各得安處工始於辛卯三月初至六月中告蒧通費內府金一萬三千兩有奇新河既成是秋雨復大漲復盛而水皆

循河安行無過無溢其效固已覩矣熱河自

聖祖締構山莊以來迄今六十餘年四方之民環集輻輳  
駢坰殷闐盛若都會朕敬繩

祖武歲奉

聖母駐此承

志願和因以順時行蒐習武從官衛士之扈行以逮新舊  
諸藩之執役者內外咸集以故熱河烟火之盛月益歲  
增則計所以保聚而安全之者誠為切要而此新河之

利尤大且遠也繼此之脩濬惟勤毋使墮塞實莅斯土者之責可不慎諸惟茲廣仁嶺下為每年恭迓

安輿所必至爰即疏河起處規隙地模窠數椽以脩憇候

其前實臨經涂因植碑為亭記其原始以昭示無數

以上皆入熱河之水

茅溝河賽音河皆入固都爾呼河以其並為熱河之

源故不復另列

灤河 自獨石口外東北一百三十里牧廠界內

之巴顏屯圖古爾山發源初西北流逕獨石口廳

界內一百五十餘里至上都店入多倫諾爾廳界

北流復折而東北流逕舊開平城南亦名上都河

又折而東南流至柳條溝共行四百七十餘里始

入豐寧縣

即四旗廳

屬察哈爾鑲黃旗境南流至僧機

圖汎之東又南至大廟灣折而東又折而西南復

折而東南仍折而東逕韭菜梁又東流逕正白旗

境又東逕鳳凰山至郭家屯之東北小灤河自北

來會之始名灤河折而南流逕大對山之側又折

而東仍折而南至北店子逕鑲白旗境南流至興

隆莊共行縣境四百十八里入灤平縣

即喀喇河屯廳

境

南流又折而西南復折而東南至張博灣之北興

州河自西來會之折而東流至小營子伊遜河與

伊瑪圖河合流自北來會之遂遠喀喇河屯

行宮之北而東又東南流至石門子共行縣境二百

十八里入承德府

即熱河廳

境東流至下營子熱河自

東北來會之折而南流逕上板城至白河口前白

河自西來會之又老牛河自東北來會之又東南  
流逕下板城至柳河口柳河自西來會之又車河  
自西來會之又東南流至門子哨接平泉州即  
溝西境共行府境二百二十里入永平府遷安縣  
邊外界沿平泉州之西復會黃花川清河豹河至潘  
家口入邊即古濡水也

漢書地理志肥如縣濡水南入海陽

水經注濡水出禦夷鎮東南其水二源雙引夾山

西北流出山合成一川又北西逕禦夷故城東鎮  
北百四十里北流左則連瀾水注之右則汗水入  
焉又北逕沙野西又北境箕安山東屈而東北流  
逕沙野北東北流逕林山北又東北流逕孤山南  
東北流呂泉水注之又東盤泉入焉又東南水流  
迴曲謂之曲河鎮東北三百里又東出峽入安州  
界

以下誤入逕白檀要陽之  
文辨正見建置沿革門

又東南索頭水注之

又東南流武列水入焉又東南五渡水注之又與



高石水合又東南逕盧龍塞塞道自無終縣東出  
渡濡水向林蘭陁東至清陁

按灤河自漢以前皆書為濡漢書地理志肥如  
縣濡水顏師古音乃官反正讀如灤水經注又  
稱濡水為難河謂濡難聲相近俗語譌耳亦書  
作湏唐韻謂水名在遼西肥如縣者是也至灤  
字本作灤說文但載漏流一訓而不及水名考  
新唐書地理志漁陽郡下有渡灤河之文舊唐

書稱薛訥由檀州出灤河權德輿劉濟墓碑亦稱飲馬灤河之上則濡字作灤當由唐始王曾行程錄言自偏槍嶺四十里過烏灤河蓋遼有是名元人亦名御河元史延祐四年上都城南御河西北岸為水衝噉命及時修治是也又以屈逕上都之南名上都河土語傳曰商都若明李實奉使錄言土人以河水青綠急流呼曰商都者妄也至水經注濡水自發源至入盧龍塞

所會之水凡九

內大要水一條係誤入

今灤河自獨石口

外牧廠發源至入潘家口其附入者不下三十

餘水以今証古確指為難然濡水始而西北流

繼而北流折而東北流又折而東流復折而東

南流其水道固至今無異也水經注稱水流迴

曲謂之曲河又東出峽今灤河自多倫諾爾之

大河口以後羣山環東屈曲奔赴迺豐寧縣

即四

旗郭家屯之北山勢始稍豁與鄺注出峽之父

正合古濡水自東南流之後始會索頭水武列  
五渡水高石水今灤河自逕郭家屯之後即折  
而南流自入灤平縣

即喀喇  
河北廳

境之後始折而東

南流則今之伊遜河可當索頭水今之熱河可  
當武列水今之老牛河可當五渡水今之豹河  
可當高石水按其方位考委尋源猶可得故道  
惟今之前白河柳河車河黃花川諸水無古名  
可考當是道元時安州諸郡縣後俱淪陷入庫

莫矣故所載未免遺漏或因其小水不載耳臣

等伏讀

御製灤河濡水源考証敬謹紬繹為疏其大畧如此

聖祖御製詩

灤河

塞邊遠遠至灤河徹底清明不見波駐輦徘徊千萬里  
石鯨兩岸影嵯峨

灤河泛舟

平沙漠漠接長河天際浮雲落照多兩岬蒼山相竦峙  
扁舟一櫂任清波

次上都河

磧裏水潺潺前旌杳靄間長風吹海月一夜照關山虎  
旅嚴宵衛星宮列從班高峯望縹緲明發欲躋攀

灤河濡水源考證

己丑

濡水見史傳者凡五

說文出安東入漆淶者涿郡之濡也廣輿記出易州窮獨山一名聖

女水者易州之濡也並音儒左傳出高陽者河間之濡也音而三水皆由天津入海此獨石口外之濡讀如難

音與濼近其水自由永平府之樂亭縣入海與畿內三  
濡迥不相涉又水經注蒼梧之濡水出永豐縣濡山字  
亦音儒名亦而惟濼河之濡水源遠流長雄於其四鄺  
適相同耳

道元水經注所云出禦夷境者也昨歲命方觀承考濡  
源委亦既繪其梗槩條分縷析而為之說矣然以漢文

訓蒙古語未如同文韻統得字音之正而鄂博之類穿

鑿更甚

蒙古語謂堆砌石以表祭處為鄂博方觀承乃  
書作我較且引鄭氏及詩大雅之言証為較祭

行路神之義鑿而謬矣曾為鄂博說以証其誤他如們  
綽克之為們催連已罕之為大堤類此者不可枚舉難  
以一一為因命嚮道大臣努三挈方觀承所遣同知黃

之辨訂也

立隆者重循其源以至其委於是二千餘里之灤河曲折分合盡得其實因詳注其地名及諸水之滙流而鄺道元歐陽修等並元史河渠志所載相舛誤者都為四條考証如左夫江淮河濟中國之四瀆也其理大物博較之灤河濡水不啻倍蓰而禹貢以數語盡之茲注濡水數千言猶有未盡焉古今相去不可及者如此蓋得其簡則足以提要欲其詳反不免致繁抑以塞外中土語言不同人跡罕至斯固難易所由殊然則就同文韻



統會中外而傳濡水之實詎不在此時乎哉

滦河源出獨石口外東北一百餘里已顏屯圖古爾山

山為興安正幹自張家口而東至獨石口外為大山折而西北過上都城入於圍場之海喇堪與興安大嶺相連屬出泉處較興安山梁尤為特出山陽山陰樹木茂盛與他山異信為名山山陽為民人居址山陰皆寥廓爾蒙古游牧地四泉湧出名都爾本諾爾涓流曲折伏而復現

西北經訥克里和洛有小水自東注之又北經哈丹和

碩之西噶爾都思台之水自東注之又曲折西北流至

茂罕和碩

自都爾本諾爾至  
此計七十餘里

三道河自東來匯之

其水  
一出

庫爾喀已達罕一出伊克達巴罕一出楚  
庫爾喀達巴罕各相距十餘里匯為一河  
河流始暢又

西北流復有二小水一自布爾噶蘇台一自克爾哈達

先後來注之八十里經察罕格爾

俗名西涼亭

烏蘭河屯至

上都店

入多倫諾爾界

又北流十餘里經淖海和碩折而東北

二百五十餘里經博洛河屯至庫爾圖巴爾噶遜河屯

喀喇烏蘇自東注之又三十餘里至上都河屯

上都即元開平

府濠水經其城南故名上都河

察罕諾爾自北注之又六十餘里經都

什巴延珠爾克山至察罕鄂博東克

伊

綏河自東北來

滙之

河出興安山梁之陽南流伊克霍爾昆巴罕霍爾  
昆伊札爾三水自東注之西與海留台河合而為

一入於上都河

河水倍暢折而東南流十八里至磴口額爾德

尼布拉克自西注之

其水經多倫諾爾之北

又十二里至大河口

圖爾根伊札爾河自東北來滙之

其水亦出興安山梁之陽逶迤西南流錫

喇札拜自北入之又西南流摩霍爾伊札爾自東南入之滙注於此

又南流七里沙岱布

拉克自西注之又折而西南流二里霍洛圖布拉克自

東注之又九里海拉蘇台河自西注之又一里蒐集布

拉克自東注之又南流一里渾齊布拉克亦自東注之

又十里察罕郭勒自西注之又十一里什巴爾台河自

東北注之

其水出伊克空鄂洛鄂博西為木蘭圍場西界

又折而西復折而南

八里克籌布拉克自西注之又十七里經鴈北灘

入四旗廳

界布爾噶蘇台哈丹和碩河自西注之又十七里經半

壁山又南經大廟灣折而東復折而西南五十八里頭

道河自西注之又二里羅蜜塔子亦自西注之轉而東

南流三十二里至木廠又折而東流二十四里經韭菜

梁又九十五里經小遼東至瓜地摩霍爾阿爾善所出

之湯泉自南注之又二十七里經西屯庫爾奇勒河俗名

小蘇自北來匯之

其水出興安山梁之陽三支分引遇托霍隆和洛合為一西南流會瑪尼

圖卡倫哈朗圭達巴罕珠爾噶台海拉蘇台諸水折而東南會霍來郭勒哈爾渾諸水又噶拜卓索阿魯布拉克昂阿諸水復先後會自此遂名灤河又二十七里至之合為一河注於此

郭家屯折而南流四十六里至大對山又折而東復折

而南屈曲行八十餘里至興隆莊

入喀喇河屯界

南流五十九

里經五道河折而西南流四十九里至張博灣興州河

自西北來匯之

其源出沙爾呼山西經土城子東南流曲注於此

折而東流七

十餘里經喀喇河屯繞行宮東流伊遜河自北來滙之

其水發源團場內西流經博洛河屯  
與伊瑪圖河合西南流屈折注此東南流三十四里

至石門

入熱河縣界

又四十七里經鳳凰嶺固都爾呼河自

東北來滙之

其源出固爾呼達已罕西南流與都茅溝河合又與賽音郭勒河合三源既滙沿邊

署山莊東北其水會茅溝後即與湯泉合至  
是行宮內亦有溫泉流水滙之遂名熱河水至此益

大折而南流四十三里白河自西注之

此與發源瑪尼圖達已罕經密

雲縣會潮河之白河與

又三十三里老牛河自東北注之又三十

三里至滴水崖南二河自東注之又十里柳河自西注

之又六里車河自西注之又三十餘里至門子哨

入遷安縣

界黃花川自西注之又三十二里清河自東注之又九里豹河自東北注之折而西流二十里經灤河灘又南流折而東復折而西經楊枝峪又東南流二十一里入潘家口折而東又折而西十里經走馬哨又二十四里至澈河橋澈河自西注之又曲折東南流七十餘里至白布店恒河自西北注之又折而東流十餘里至煤峪口長河自東北注之又七十三里過平崖子清河自東

北注之

此與黃花川南之清河異

折而南流二十餘里至峽口蛤螺

河自東注之又二十九里過遷安縣西經黃臺山又二

十三里折而東三里河自東注之

其河與二道泉合

又南流二

十餘里經孤竹城

入盧龍縣界

又三十五里至合河口青龍

河自東北來匯之

其源出特布克入桃林口復有一水自冷口來會之經永平府城西過虎

頭石入於濼

河流至此勢益寬大又十一里繞雪峯寺又二

十一里過武山西橫河自西注之又三里至偏涼汀

入濼

州界又南東五十六里過定流河

入樂亭縣界

又三十六里至



老河口

灤河故道全涸

又西南流二十里至小河崖清河自西

北注之

此與黃花川南及平崖子之清河俱異

又七里至石家地灤自此

分支

名高密河常涸大雨時仍分流達海

折而西南流五十餘里至新橋

口入於海自河源至此約二千餘里

酈道元水經注云濡水出禦夷鎮東南按禦夷鎮為北

魏六鎮之一其建鎮之所雖不可考而魏太祖紀云築

長城於長川之西自赤城西至五原延袤二千里又魏

世祖破蠕蠕列置降人於漠南東至濡源西概五原陰

山分六鎮是禦夷居六鎮之東自獨石口外至開平皆其故地以今所上都河源方內核之道元考所言非盡無稽惟云二源雙引夾山西北流則未能實辨都爾本諾爾為濡水正源而以夾山來會之三道河誤為濡源雙引其云出山合為一川則即今之茂罕和碩耳至云又西北逕禦夷故城東其遺跡無可据惟以鎮北一百四十里計之當在今烏蘭河屯之地其餘諸山水雖與今圖不能悉合然所云又北逕箕安山東屈而東北流

似即今之多倫鄂博圖其云逕沙野西又逕沙野北則  
似指伊克們綽克至喀喇烏蘇一帶沙磧言之其云三  
泉馮次合為一水注呂泉水則似今之克伊綳河合伊  
克霍爾昆等三源也云逆流水則似今之伊札爾也云  
木林山水則似今之海留台水也云又東盤泉水自西  
北東南流注濡河則似今額爾德尼布拉克也又所云  
東南水流迴曲謂之曲河鎮以今圖屈折形勢觀之蓋  
即今大河口自此以下道元即闌入白檀要陽按其地

距所云會武列水之熱河境尚七百餘里漢時郡縣安得至此其舛尚何待深辨乎至濡水又東南逕盧龍塞則為今之潘家口無疑其云塞道自無終東出渡濡水向林蘭陁東至清陁無終為今玉田林蘭陁蓋今喜峯口清陁即今冷口即此以証不特塞垣疆界了然即田疇引曹操廻軍盧龍塞之處亦可得其大概矣其自潘家口以內至入海處鄴注所記州邑山水雖名稱今昔不同而以志乘訂之皆約畧可數而未至大舛蓋道元

於諸水源委詢考綦詳故所言時有相合者惟未嘗親履其地且以漢言誌蒙古山水名目往往傳訛傳會更不免謬以千里則泥古而不知覈實之過也

歐陽修云灤水出炭山東北胡三省通鑑注因之其後陳組綬職方圖考顧祖禹方輿紀要皆從其說今考獨石口外無所謂炭山者惟巴顏屯圖古爾山據努三云土人名其山為黑老山按昔人有謂濡水出黑龍山者龍老音轉承訛黑龍山之言似不為妄今巴顏屯圖古

爾山其陽石色黝黑所謂炭山或即此而明一統志乃以萬全縣南之炭山當之其地距獨石三百餘里則更風馬牛不相及矣

元史河渠志灤水出金蓮川中今獨石口外濡源相近處無所謂金蓮川者按金史地理志云桓州曷里泚東川更名曰金蓮川又元史地理志云世祖命劉秉忠相宅於桓州東灤水北之龍岡中統元年為開平府五年加號上都即今之上都河屯正在灤水之北桓州尚在

其西考元周伯琦扈從北行記云至失八兒禿地多泥  
淖驛路至此相合地多異花有名金蓮花者似荷而黃  
至察罕腦兒猶漢言白海也歷數驛始至桓州又王惲  
中堂事記云療野蓋金人駐夏金蓮云云考其地皆與  
上都河屯相近失八兒禿當爲什巴爾台蒙古語泥濘  
處也在上都西少北察罕腦兒當爲察罕諾爾蒙古語  
白湖也在上都南少西金蓮川當在什巴爾台察罕諾  
爾之間元陳孚金蓮川詩云茫茫金蓮川日暎山色赭

昔人建離宮今但存古瓦蓋金時於此建景明宮為避暑之所許安仁疏有金蓮千里之外語以距京師道里計之亦相合又今什已爾台少西北有和洛和山蓋即今史所謂曷里許者川在其東去獨石口幾五百里其非濡源明甚周伯琦賦得灤河送蘇伯修詩云清灤悠悠北斗北千折縈環護邦國直疑銀漢天上來金蓮滿川淨如拭蓋灤河先逕金蓮後至上都伯琦詠灤河而兼及金蓮殆指河流所經言之脩元史者直以為灤出



金蓮川中誤矣

御製詩

灤江 癸巳

今歲灤江水甚微誠以入夏缺雨故深處不過三四寸  
淺者或至沙觥露河陽原有別墅在小舟牽洩乃可渡  
前日西北雲容重情知當得山雨遇果然千峽落暴漲  
衝橋適值狂波怒漲過仍此或淺川其涸立待言可悟  
其涸立待言可悟故吾不取不虞譽

瓜地溫泉

源出豐寧縣

即四旗廳

屬正白旗郭家屯

西北三十里縣治土城子北西一百三十里有浴池在泉側其水東流入灤河

庫爾奇勒河

俗名小灤河源出圍場內興安嶺

之陽會諸小水初西南流折而南流出海拉蘇台

柵逕半壁山入豐寧縣

即四旗廳

屬正白旗境南流至

熱水溝有溫泉注之又南流至郭家屯之東北入

灤河

熱水溝溫泉

源出豐寧縣

即四旗廳

屬正白旗郭家

屯北三十五里之湯山在縣治土城子北一百三

十里有浴池在泉側其水南流會庫爾奇勒河

錫喇塔拉川 一名興州河以在古宜興州地得

名源出豐寧縣

即四旗廳

屬正白旗郭家屯西稍南八

十里之沙爾呼山在縣治土城子西北九十里東

南流逕花家營之西又屈曲東南流至赫之東逕

鑲白旗境又東南流至波羅梁汛之西南入灤平

縣

即喀喇河屯廳

境東南流復折而東流逕金鈎屯之東

入灤河

伊瑪圖川

源出圍場內會諸小水屈曲南流出

瑪尼圖柵逕什巴爾台入豐寧縣

即四旗廳

屬鑲白旗

境南流逕阿穆呼朗圖

行宮及濟爾哈朗圖

行宮之西又南流至少府營之東逕正白旗境又南

至四道營與伊遜河會南流入灤河

伊遜河 一作伊松河俗稱羊腸河源出圍場內

伊遜色欽色欽即源之謂也會諸小水屈曲南流

出伊遜喀卜齊爾棚逕石片子入承德府

即熱河廳境

南流逕張三營

行宮之西又南流至坡賴村折而西南流入豐寧縣

即四旗廳

屬正藍旗境又西南流繞波羅河屯

行宮之西逕正白旗境伊瑪圖河合而西南流又折

而東南入灤平縣

即喀喇河屯廳

境復屈曲南流至喀喇

河屯

行宮之北入濛河即古索頭水也

水經注濡水又東而南索頭水注之水北流南逕  
廣陽僑郡西今安州治又南流注於濡水

按水注載索頭水之入濡水在武列入濡水之  
前今濛河先會伊遜河而後會熱河所云濡水  
又東而南亦與今郭家屯汎以下濛河形勢相  
合知伊遜河即古索頭水惟所云索頭水北流

與今不合然既曰北流不應又曰南逕知北流  
乃自北流來酈道元解漢書地理志侯水北入  
渝句亦曰蓋自北而南知水經注有此例也

又按伊遜河舊作伊松河或作衣素河又作宜  
孫河復儀栗河方輿紀要作以遜川作譯語對  
音隨呼輕重故字多互異今照本音以伊遜為  
正

御製詩

伊松河 癸亥

伊松河水當秋澄伊松河畔秋風清  
我來策馬渡河沃但見蒼烟羃歷連沙汀  
薰葭采采花欲白中流浴浪無鷄鵲牛韜駝  
馱入畫意山容樹態皆詩情逝者如斯憶  
前歲惟餘長波漣漣無停聲

汲伊遜水烹茶 癸酉

所遇名泉必試品揚子第一故藉甚廬山瀑  
簾雖未悉以此知彼豈虛審玉泉伊遜真巨擘  
難為伯仲均天稟



標名昀突澤皇都澗瀝利永阜豐稟塞菟此地每經過  
可無表德垂終念是時秋煙正霽川駕鵝翔集魚鮪淦  
檀廬綆汲煮行鎗清賞作歌乃自朕蟹魚懶舉火候常  
肘腋慢道風生凜八功德水宛在孟浮玉湧金盡歛衽  
詎惟檣漆供澆書一時萬幕資烹飪

丹疊前韻

伊遜之水第一品其質則輕味甘甚萬古靈脈秘龍沙  
造物有待斯言審大禹惡旨戒在酒好茗何妨從性稟

罷園武帳值幾閒聊事松雲烹石廩汲來清冽洵無雙  
候中文武須厯稔從獸猶然不廢吟觀魚何用無忘淦  
消渴兼因消芥蕙泯象乃至泯兆朕舉杯千嶂正臨牕  
紫翠絢采秋光凜颯景恍可豁迎眸涼風底慮輕拂社  
自怡悅亦何足云大亨還厯水火飪

前白河

亦名乾白河在承德府

即熱河廳

南境其水

無源隨雨消長自莊窠峪東南流上板城之東南

白河口入灤河

柴河

在承德府

即熱河廳

南境源出遵化州馬蘭關

外山中東北流至柴河口會前白河

老牛河

源出承德府

即熱河廳

東境西南流逕四溝

五溝六溝至下板城入灤河即古五渡水也

水經注五渡水北出安樂縣丁原山南流逕其縣故城西其水入五渡塘又南流注於濡

按水經注載五渡水之入濡水在武列水入濡水復今灤河自會熱河以後雖有前白河及柳

河車河黃花川諸水來會然皆東流與水經注不合其南流者求惟老牛河故知即古五渡水

柳河 源出馬蘭關外霧靈山下東流至板谷嶺

逕承德府

即熱河廳

南又東至柳河口境入灤河亦名

流河

方輿紀要流河近蜜雲牆子嶺邊外紅門川各山谷水泉皆流合焉自西南而東北歷遵化諸關口外近三臺山關北境合於灤河其水廻環曲折繞

渡九次名曰九道河

按方輿紀要所載流河與今柳河方位相合柳  
流字音相近則傳寫之殊耳

車河 在承德府即熱河廳南境源出遵化州邊外山

中東流至柳河口之南入灤河

黃花川 在承德府即熱河廳東南境源出遵化州邊

外東流至門子哨之西黃花川口入灤河

清河 一名孀兒河亦名白馬川在平泉州即八溝廳

西南境匯近山澗水西南流入遷安縣界至清河  
口入灤河

豹河

亦名暴河源出平泉州

即八溝廳

東北四十里

密雲溝黃土梁下一線蜿蜒貫穿石鑄合烏勒呼  
瑪梁南諸山澗水始匯成川西南流合烏拉林河  
又西南流逕州境南合濟北格河南流逕會州城  
之東亦名察罕河屯又南逕寬城之東亦名寬河  
又西南流至冰窖之西南入遷安縣界共行一百

五十餘里入灤河古高石水也

水經注高石水東出安樂縣東山西流歷三會城南下注濡水

元一統志薄河源出會州西北林津山南至冷嶺合為寬河

明史地理志寬河守禦千戶所東南有寬河一名豹河下流逕遷安縣西北又東合於灤河

按水經注載高石水之入濡水在濡水將入盧

龍塞之前今豹河之會灤河正在潘家口外且  
係西流來會與水經注相合故知即古高石水  
寬河之名見於元史明史方位相合元時又名  
薄河元一統志謂薄河源出惠州西北南至冷  
嶺合為寬河是也又在遼時則謂之柳河與今  
承德府南境之柳河各異蓋柳河之名宋人屢  
言之皆指今平泉州境之豹河而非府境之柳  
河宋史劉敞傳奉使契丹自古北口至柳河回



曲殆千里故質譯人曰自松亭趨柳河甚徑且  
易不數日可抵中京何為故道此考松亭故關  
在今喜峯口北一百二十里其東北距大寧故  
城三百六十里若今承德府之柳河轉在其西  
不應道出於此反謂之徑易王曾行程錄言過  
烏灤河又過墨斗嶺度雲嶺片菜嶺至柳河館  
過松亭嶺甚險峻若今府境之柳河在灤河之  
南不應先渡灤河乃至柳河知所云柳河實今

豹河也遼之中京即今平泉州東北之大寧故  
城當日所行之道由古北口經今灤平縣承德  
府境至平泉州自不如由喜峯口趨松亭至柳  
河直抵大寧之為徑易矣若今府境之柳河即  
舊志所稱流河流與柳以音近而訛既稱流河  
為柳河而豹河所有柳河之名反引二河名同  
而地異且相近易淆故詳辨之

托津圖河

即豹河之上流在平泉州

即八溝廳東北

境西南流會諸小水為豹河

烏拉林河

原出平泉州

即八溝廳

北境東南流至州

治之東會托津圖河

濟伯格河

漢名鐔子河源出平泉州

即八溝廳

西境

東南流逕州治西之老嶂子亦名老嶂子河又東

南流至州南會豹河

錫爾喀河

源出平泉州

即八溝廳

西北境南流會濟

伯格河

拉克拉哈爾泉

源出平泉州

即八溝廳

境之拉克拉

哈爾山東南流會豹河

澈河

亦作撒河源出平泉州

即八溝廳

西南境邊城

之外東南流至龍井關入遼下流入灤河

遼史地理志澤州有澈河

元一統志澈河源出惠州西南乾山東流至灤陽

站東合灤河

按遼澤州元惠州皆屬今平泉州南境與澈河

方位通合

青龍河 蒙古名固沁河源出平泉州

即八溝廳

屬喀

喇沁右翼東南二百里之昌吉爾岱山南流至列

山梁之南入建昌縣

即塔子溝廳

屬喀喇沁左翼西境

又逕縣治之南至桃林口入邊下流入灤河

元一統志青龍河源出惠州之灰嶺流經龍山縣

南二百里入平灤路境

按元志稱青龍河經龍山縣南屬建昌縣境

湯園河

源出建昌

即塔子溝廳

西南境東南境流逕

遷安縣邊外至石柱子會青龍河

什巴爾台河 漢名泥濿亦名涼水泉源出建昌

縣

即塔子溝廳

東南境西流會青龍河

以上皆入灤河之水

熱河亦入灤河已專提為綱故不復附灤河下

欽定熱河志卷六十九